

中國方志叢書·華北地方·第二十二號

據

清·楊兆煥等纂
清·光緒三十四年石印本


影印

山東省

曹州府荷澤縣鄉土志

(全)

成文出版社印行



10107757

中華民國五十七年三月臺一版

曹州府荷澤縣鄉土志

定價：新台幣二〇〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號
電話：九二二〇一〇號

印刷者：正 大 印 製 廠

三重市長生街二號之一

內政部登記證內版臺業字第一一四七號



荷澤縣志

土志

光緒歲次丁未冬月
盱台汪鴻孫書

荷澤縣鄉土志序

夫國度之強弱文化之消長人民之智愚皆係於教育之善不善而已然振興教育之要義在使人人愛國為樞紐欲人人愛國必使自愛其鄉始欲人人自愛其鄉必使自知其土地人物始此鄉土志之所以著也泰西各國咸注重教育而教育宗旨尤重小學其教授之法雖有參差而從鄉土入手則無同異蓋以垂髫之童智識未開遽使求其高尚之理想深奧之科學勢必枘鑿不入勞而無效是故繪其鄉土山川之形勝土地之物產以誘掖其穎悟發達其智慧然後人人自愛其鄉之心油然而生由是推而愛國有不能爭勝於天演物競之世界者未之前聞方今朝廷百度維新勵精圖治而於學務一端尤為講求盡善按奏定學堂章程所列初級小學科目不外歷史地理格致三大端其於歷史則講鄉土沿革之大致及古先

名人之事實於地理則講鄉土道里之建置及先賢遺老之跡轍於格致則講鄉土之動物植物礦物以及聲光電化之原質其教法之善用意之深無逾於此者矣荷邑舊歲奉飭編輯鄉土志前今以更調僉促未及考覈舉辦鴻孫攝篆斯邑乃進本邑縉紳而商榷之其歷史之變遷地理之沿革建置之興廢山河之源流以及人口宗教之多寡種別實業商務之消滯衰旺靡不博訪周諮備載無遺凡三閱月以告厥成是役也任總纂者縣學楊君兆煥也任分纂者邑紳朱君祐郝君鴻治也任校勘兼繪圖者陽湖楊君蔭嘉也

光緒三十三年十月

知荷澤縣事盱台汪鴻孫序

河澤縣鄉土志編目

圖考
歷史
政績
兵事
耆舊
鄉賢
名宦
人類
戶口
氏族
宗教

實業 地理 山 水 道路 物產 商務

歷史

從來學士文人談天文則易談地理則難何者星家緯度終古不易按圖以稽仰觀焉而天無餘蘊矣若夫郡國之名地理之一端也唐虞以來歷數千年代有損益沿革或昨是而今非或同名而異處加之著述家附會訛謬所在多有即以蠶桑為采桑以塗山為會稽潘京武陵之對文選夷庚之說諸如此類不可殫紀則是郡國歷史亦儒者所宜博覽而留意焉謹即本境歷代沿革書之如左

唐虞夏商周

兗州之域 禹貢濟河惟兗州顏師古曰兗州西北距河東南據濟詩曹風集傳云禹貢兗州濟水所經在陶邱之北雷夏荷澤之野今之曹州即其地縣志云屬豫州之域者蓋牽於禹貢豫

州導荷澤被孟豬之文也葉氏夢得曰孟豬荷澤其相去遠孟豬屬豫而荷澤屬兗被之云者言水僅相及故注言不常入也唐虞十二州夏九州商九有周九州其見於詩書爾雅周禮職方氏荷澤於唐虞三代皆兗州域也

成陽 成陽古邠伯國也索隱曰邠亦作成又武王封弟季戴於成爲邠伯其後世遂遷於成之陽故名成陽此臆說也按成陽名最古非始於周封邠伯國也詩曹風集說引鄭康成云昔堯嘗遊成陽舜漁雷澤民俗始化其地夾於魯衛之間况堯又葬於濟陰之成陽明史于慎行曰歷攷羣籍堯陵在曹濮境上明矣是成陽在陶唐時已有之非始於周也故成陽爲古邠伯國也

駿川

左傳昭二十九年董父實甚好龍龍多歸之乃擾畜龍以

服事帝舜帝賜之姓曰董氏曰秦龍封諸駿川即其地也路史亦云濟陰東北有龍池即舜命董父秦龍處

三駿 夏有三駿國駿乃駿字說文作駿後漢郡國志云濟陰郡定陶有三駿亭即其地當時荷與定界限不甚分凡屬濟陰者荷地居多

商曹國 湯伐桀桀走保三駿遂代三駿更其國曰曹

周曹國 曹世紀周武王十二年己卯三月封弟振鐸為曹伯都定陶其地雷夏荷澤之野

春秋戰國

春秋前屬曹詩曹風集傳云其地在雷夏荷澤之野至春秋有屬魯者僖三十一年取濟西田左傳曰濟西田分曹地也敬王三十三年為宋所滅地又屬宋赧王二十五年齊湣王滅宋地又

屬齊是春秋前屬曹春秋時兼有屬魯者春秋後以至戰國並屬宋屬齊

鄆 春秋昭二十年曹公孫會自鄆出奔宋即此其地距治所西北三里

貫 貫鄆也宋齊盟處齊田和伐衛取母邱大事記云母音貫即古貫國其故城在濟陰南五十里

桂陵 戰國策齊大破魏師於桂陵即此其地距治所東北二十里

陽晉 張儀說魏王曰秦下兵取陽晉其地在乘氏縣西北唐初析乘氏縣為陽晉縣東南至乘氏三十七里

葭密 水經注云濮水又東逕葭密縣故城北太平寰宇記亦云乘氏縣有葭密城按竹書紀年元公三年魯季孫會晉幽公於

楚邱取葭密遂城之漢置縣後廢今名葭密寨距治所西二十五里

煮棗 史記蘇秦說魏襄王曰大王之國東有煮棗徐廣曰在濟陰寃句之地水經注云北濟東北流逕煮棗城南又郡國志寃句有煮棗城即此漢高帝十二年封革朱為侯索隱云漢表作革朱革音棘乃棘子成之後距治所西南五十里

濟陽 竹書紀年梁惠成王三十年城濟陽又漢景帝中六年封梁孝王次子明為濟川王應劭曰濟川今陳留濟陽縣莽曰濟前水經注云濟噴自濟陽縣故城南東逕戎城北春秋隱二年公會戎於潛杜預曰陳留濟陽縣東南有戎城即此按郡國志濟陽有武父鄉左傳桓公十二年盟於武父是杜預曰縣東北有武父城縣東南有武城縣都鄉有行宮光武生其地在今治

所西南邊界

秦

秦併天下後屬東郡南境亦屬碭郡西北境

西漢

呂都 漢呂后稱制封呂產為梁王都此更名梁曰呂王莽又更名曰祈都後省入寃臼縣而呂后梳妝臺遺址猶存按水經注濟水又東北逕呂都故城南距治所西南三十里

寃臼 水經注濟水東逕寃臼故城南漢呂后元年封楚元王子執為侯國趙釋曰朱氏箋云按漢表景帝封胸並作白玉莽之濟平亭也濟水又東逕魏冉塚南今攷魏冉塚正值寃臼之東在治所西南桃源集

濟陰 漢書景帝中六年於故梁別為濟陰國以梁孝王庶子不

識王其地始有濟陰之名不識立一年薨無子國除武帝建元三年為濟陰郡宣帝甘露二年更為定陶國明年復為濟陰郡屬兗州其故城距治所南五十里

離狐 水經注云濮水又東逕濟陰離狐縣故城南離狐王莽改曰瑞狐西漢時屬東郡東漢屬濟陰郡太平寰宇記云唐天寶元年改離狐為南華縣距治所西北四十里今名李二莊

白陽 水經注曰瀆首受濮水枝渠於白陽東西按白陽即春秋之穀邱左傳以為白瀆之邱縣處其陽故名焉今其故城距治所北二十五里更名白陽店

乘氏 漢孝景中五年封孝王太子買為乘氏侯即其地水經注云濟水東至乘氏縣西分為二又東北於乘氏縣北注河水河水又東逕乘氏故城南縣即春秋之乘邱故地風俗記曰濟陰

乘氏縣故宋乘邱邑也全氏云乘邱非乘氏乘氏非宋地乃魯地而宋氏釋之曰漢地理志濟陰乘氏縣師古注引應劭曰春秋敗宋師於乘邱即此酈氏本之以為魯之乘邱而非宋之乘邱也後漢書郡國志注引博物記曰古乘邱亦不言為魯為宋地志又云乘氏縣泗水東南至睢陽入淮郡國志曰乘氏有泗水乃荷也尚書有導荷澤之說自陶邱北東至於荷無泗水之文此泗乃荷字之誤蓋乘氏縣皆濟水荷水所逕所會地也按舊志乘氏一邑建置之後凡再徙漢之乘氏一統志云在鉅野縣南五十里是北魏之乘氏在今東南荷澤之左是北宋及金初之乘氏則今之附郭是又考元商琥濟瀆廟碑鉅野縣西南不兩舍漢乘氏廢縣在後魏太和中用漢縣名而復置者即今之為州者也十餘年來凡一徙兩說互異舊疆東偏率皆割入

鉅野城武矣相其大勢今治實據葭密之全兼有白陽之半左
占成陽一隅右跨離狐一角而西南之呂都宛白則襟帶也較
之兩漢縣治規模稍覺宏廓故前志所載鄉賢忠義諸編若宛
白人若離狐人若白陽人若成陽人若呂都人並採兼收累代
英賢均可於史傳攷之若乘氏一再遷徙諸縣盡歸湮廢文獻
半屬無徵矣

東漢

仍為乘氏縣屬濟陰郡和帝永元九年封梁雍為乘氏侯

晉

仍為乘氏縣屬濟陽郡晉武有天下改郡為濟陽續筆談云曹州
舊治有四其二在左山之南蓋一漢治一隋唐後治也惟晉之
濟陽郡不知何在然按晉地理志云本漢置若改濟陽或移治

則不得云漢治矣郭璞晉人也亦云濟陰定陶不聞濟陽晉書
列傳單父人冤句人皆冠以濟陰不云濟陽則晉亦仍漢郡之
舊其云濟陽者傳訛耳

北魏

仍為乘氏縣屬濟陰郡孝昌王年置西兗州於定陶領濟陰沛二
郡而濟陰郡治冤句城後又徙於左城

後周

始改濟陰郡為曹州乘氏仍屬之

隋

復為濟陰郡乘氏仍屬之又分置濟陰縣按濟陰郡隋時猶有曹
州之名大業末孟海公起兵據曹州是也

雷澤 雷澤縣古成陽城也北齊屬成陽而隋置雷澤縣唐宋因